

Statüts

Società da pes-chaders Engiadina Bassa SPEB

1. Mera

Art. 1

La Società da pes-chaders d'Engiadina bassa, in seguit nomnà SPEB, fuorma üna secziun da la Società chantunala da pes-chader. Ella ha per mera la chüra e promoziun dals interess da seis commembers, da la pes-cha in general, sco eir da la fauna e da l'ambiant intuorn las auas da pes-cha. Ella sustegna las tendenzas da la Società chantunala da pes-chaders e da las autoritats, per cumbatter cunter mancamaints e defets illa pes-cha e promova la cultivaziun dals peschs i'ls contuorns da la società. Ella cultiva l'amiciczcha e la sociabilità tanter ils commembers. La SPEB es confessiunalmang e politicamang neutrala.

2. Commembers

Art. 2

La società consista our da:

- a) commembers onuraris
- b) commembers libers (veterans)
- c) commembers activs A
- d) commembers activs B

Art. 3

Sco commembers onuraris pon gnir tschernüts da la radunanza generala sün proposta da la surastanza, persunas, chi s'han acquistats merits particulars visavi la SPEB o la pes-cha in general. Els giodan tuot ils drets dals commembers activs, sun però deliberats da tuottas contribuziuns, pigliond oura da l'abunamaint da la gassetta dals chatschaders e pes-chaders grischuns. La società però sto laschar prevgnir las solitas contribuziuns a la Società chantunala. Propostas per commembers onuraris sun d'inoltrar in scrit a la suprastanza fin als 30 settember, a man da la radunanza generala.

Art. 4

Sco commembers libers vegnan nomnats commembers chi han fat part a nossa società d'urant 25 ons ed han cumpli il 60avel anniversari. Els giodan tuo ils drets scol'ls commembers activs, sun per però deliberats da tuottas contribuziuns, pigliond oura da l'abunamaint da la gassetta dals chatschaders e pes-chaders grischuns. Per tals commembers sto la SPEB pajar a la società chantunala las contribuziuns annualas.

Art. 5

Commember activ A o activ B po esser minchün, chi ha tenor la ledscha chantunala da pes-cha, il dret da retrar la patenta e chi arcugnoscha ils statüts da la SPEB. Ils commembers activ A e activ B han ils medems drets. Commembers activs A sun commembers, chi aboneschan la gassetina da las societats chantunalas da chatschaders e da pes-chaers. Commembers activ B sun commembers, chi desistan sün tal abunamaint o chi sun fingià abonents tras

üna società da chatschaders.

Art. 6

Commembers da la SPEB ston pajar lur contribuziun annuala fin ils 15 settember da l'on curraint. Persunas chi nu pajan lur contribuziun annuala, eir davo ün'admoniziun, vegnan automaticamaing exclus da la società. Commembers chi lessan sortir da la società han da communichar lur intenziun a la scuprastanza. La commmbranza illa SPEB scrouda pür cur cha tala persuna es gnüda davò a seis dovairs financials invers la società.

Art.7

Commembers chi surpassan ils uordens stipulats aint ils statüts o chi in üna o l'otra maniera cuntrafan als interess da la SPEB pon gnir exclus sün proposta da la suprastanza tras las radunanza generala da la società. Per ün'exclusiun faja dabsön da duos terz da las vuschs. Cull'exclusiun finischan tuot ils drets ivers la SPEB.

3. Organisaziun

Art. 8

Ils organs da la SPEB sun :

- a) la radunanza generala
- b) la suprastanza
- c) ils revisurs da quint

Art. 9

Dürant l'ultim quartal da l'on ha lö la radunanza generala. Tractandas regularas da quista sun :

1. Appell ed elecziun dals scrutinadurs
2. Approvaziun dals protocols
3. Rapport annual dal president
4. Rendaquint dal chaschier
5. Rapport dals revisurs cun dis-chargia dal chaschier
6. Contribuziun annuala
7. Preventiv
8. Tscherna da la suprastanza e dals revisurs da quint
9. Program da lavur
10. Mutaziuns ed onurificaziuns
11. Varia

Üna radunanza extraordinaria po convochar la suprastanza da mincha temp, scha'ls affars dumonda quai o sün proposta d'almain 10 commembers in scrit. La radunanza generala po trar decisiuns be sur da tractandas publichadas sül invid. Sur da chosas chi vegnan discutadas suot varia nu pon gnir trattas decisiuns.

Art. 10

Per administrar ils affars e per rapreschantar la SPEB vers l'extern tscherna la radunanza generala üna suprastanza da set commembers, chi'd ais libra da la contribuziun annuala e chi consista our da: president, vicepresidente, actuar, chaschier, administradur da material e da duos assessurs. Ils duos assessurs stuvevan gnir proposts, scha pussibel, our da commembers chi stan in lös pifers da noss contuorns. La suprastanza vain tschernüda per la dürada da duos ons. Ella po gnir reeletta. In ons pêrs vegnan elets il president, il chaschier, ün

assessur ed ils revisurs da quint. In ons dispêrs il vicepresident, l'actuar, il chef da material ed ün assessur. Ün commember da la suprastanza po gnir elet in ün'otra carica, schi fa dabsögn. Il post vacant vain in quist cas surtut d'ün dals assessurs, nomnà da la suprastanza.

Art. 11

La radunanza generala, chi vain bannida almain 10 dis avant la data fixada es competenta per decider. Votumaziuns vegnan fattas avertamaing, schi nu vain dumandà e decis avant la votumaziun scrutin. Pel prüm scrutin vaglia la majorità absoluta (mità da las vuschs validas plus üna), pels seguaints scrutins la majorità relativa. Pro parità da vuschs vain tratta la sort.

Art. 12

Il president maina la radunanza, el rapreschainta la SPEB vers l'extern, pissera, cha las decisiuns trattas in società vegnan realisadas e preschainta l'ultim da l'on ün rapport sur dal stadi e las activitats da la SPEB d'ürant l'on scuors. Il vicepresident sustegna il president in sia funcziun e til rapreschainta in cass d'impedimaint. Il chaschier ais respunsabel per la chascha. El maina üna controlla precisa dals commembers e dà a la fin da l'on da società ün rapport sur da la facultà da la società e da las finanzas. L'acutar maina ils protocols da las radunanzas e da las sezzüdas da suprastanza ed evada lavurs in scrit, cha'l president til suattametta. Il chef da material es respunsabel pel mantegnimaint e la controlla dal material da la SPEB. El maina üna glista da material. Ils assessurs sustegnan ils oters commembers da la suprastanza in lur funcziun ed han da substituir a quists schi fa dabsögn. Ils revisurs da quint han da controllar la contabilità e'l stadi da la chascha, sco eir tuot l'inventar. Els preschaintan a la radunanza generala ün rapport, fond a l'istess temp lur propostas.

Art.13

La suprastanza es cumpetenta da decider, scha almain quatter commembers sun preschaints. Il president o il vicepresident, insembel cun ün commember da la suprastanza segnan imegnativmaing per la SPEB.

4. Finanzas

Art. 14

L'on da quint cumainza als 1. october e finischa als 30 settember

Art. 15

La chascha da la SPEB vain spisgiantada our da las contribuziuns annualas dals commembers, dad eventualas subvenziuns, rechavs e donaziuns voluntarias.

Art. 16

Our da la chascha da la SPEB vegnan pajadas: las contribuziuns annualas a la Società chantunala, ils abunamaints da las gasettinias dals commembers A, las expensas per sustgnair ils interess da la pes-cha aint ils contuorns da la SPEB e las solitas spaisas da l'administraziun.

Art. 17

La suprastanza po decider sur dad ün singul credit da frs. 500.—. Expensas plü grondas suottastan a la decisiun da la radunanza

Art. 18

Per impegnis o obligs da la SPEB sta bun be la facultà da quella. Üna responsabilità dals singuls commembers es esclusa.

5. Disposiziuns finalas**Art. 19**

Üna revisiun dals statüts po gnir fatta tras la radunanza generala cun üna majorità da duos terz da las vuschs dals preschaints.

Art. 20

Ün eventual schoglimaint da la SPEB po subentrar pür, cur cha'l numer dals commembers activs importa da main da set e schi nun es infra temp ütil da far quint ch'el crescha.

Art. 21

La facultà da la SPEB es da depuoner pro ün schogliamaint da tala pro la Società chantunala da pes-chaders, fin ch'is ha darcheu fuormada in Engiadina bassa üna società nouva cul medem scopo e las istessas meras.

Art. 22.

Scha per cas chi sun passants 20 ons davu il schoglimaint i nu s'ha fuormada üna società nouva, va via la facultà chi'd es avantman in possess da la Società chantunala da pes-chaders.

Art. 23

Quists statüts sun gnüts acceptats da la radunanza da la SPEB als 3 december 1999 e rimplazzan ils statüts dal 18 avrigl 1980. Els aintran in vigur davu esser stats approvats da la suprastanza chantunala. Quists statüts sun gnüts approvats da la suprastanza chantunala als 18 favrèr 2000

Per la Società da pes-chaders d'Engiadina bassa

Il president :

L'actuar

Matthias Merz, Scuol

Arno Felix, Sent